

22. oktober 2015

Ukiut qulit 20-illu akornani nuna tamakkerlugu sanaartugassanik pilersaarusiortoqarnissaa-nik, minnerpaamik kommuuninut agguataarneqartunik aammalu kommunit suleqatigalugit pilersaarutitik ingerlanneqartussanik Naalakkersuisut peqquneqarnissaanik Inatsisartuni aalajangiiffigisassatut siunnersuut. Sanaartukkanik pilersaarutit Namminersornerullutik Oqartussat aammalu kommuunit sanaartornermik suliassaanik imaqartinneqassapput, tama-tumani piviusumik tulleriissaarinissat pilersaarusiornissallu kommuunini kiisalu sanaartu-gassanik suliassinneqartunit ingerlanneqarsinnaalersillugit aammalu suliassaasinnaasunillu kommuunini ingerlanneqartussatut pilersaarutit inissisorneqarsinnaalersillugit.

(Inatsisartunut ilaasortaq Agathe Fontain, Inuit Ataqtigiit)

Inuiaqatigiinni sanaartorneq aserfallattaaliinerlu illussanik, talittarfinnik, meeqqerivinnik allanillu, tunngaviusumik pisariaqartittineq aallaaviusartoq oqariartuutaasarpog, kinami sanaartussagami pisariaqartinneqanngitsunik?

Taamaattoq nalunngilarput pisariaqartittineq sukkasuumik allanngorsinnaasoq, pissutsit allanngoru-jussuarsinnaapput.

Taamaammat ukiut 10-20 siumoortumik sanaartugassanik pilersaarusioreertarnissaq piviusorsior-nersoq apeqquusernarpoq.

Kisianni siunnersuuuteqartup anguniagaa paasisinnaavara, sanaartorneq aserfallattaaliinerlu nunat-sinni naammaginangilluinnartumik ingerlavoq. Aaqqiivigineqartariaqarpoq.

Ukiut 10-20 siumoortumik pilersaarusiorneq aqutissaasorinanngilaq, kisiannili Iisimaneqartutuut siorna ataatsimeersuortoqarpoq taaguutilik "Sanaartoriaatsimut pitsaasumut aqutissaq"

– Sanaartorneq pillugu ataatsimeersuarneq, Nuummi 23.-24. september 2014-imi ingerlanneqarpoq, naalakkersuisut, ingeniørit, illussanik titartaasartut, kattuffiit allallu susassaqtut peqataaffigi-saannit.

Taanna ataatsimeersuarneq sanaartornermut aningaasat sapinngisamik pitsaanerpaamik atornerqar-tarnissaannik aqutissiuussinissamik siunertaqarpoq.

Innersuussutit arlaqtut susassaqtuniit saqqummiunneqarput, kikkullu tamarmik takusinnaa-saannik nittartakkakut ilineqarsimallutik. Ilaatigut innersuussat ilagaat ukiut 3-5-mut pilersaarusiorderit.

Taamaammat una siunnersuut itigartinneqassasoq innersuussutigaarput, naalakkersuisunullu kom-muuninullu sakkortuumik kaammattuutigissallugu ataatsimeersuarnerup innersuussutai piviusu-nngortinniaqqullugit, kiisalu sanaartornermut ataatsimiititaliaq taassuminnga suliamik qanimu sule-qatigeqqullugu malinnaateqillugulu.

Jens-Erik Kirkegaard, Siumut.